



Vschinauncha da S-chanf
7525 S-chanf



Radunanza cumünela

Bannida / Missiva

per la radunanza cumünela in marculti, ils 15 november 2017 a las 20.00 sül palc da la sela polivalenta S-chanf

Stimedes votantas e stimos votants,

La suprastanza cumünela suottametta cotres la bannida e la missiva per la radunanza cumünela dals 15 november 2017 ed invida amiaivelmaing da piglier part a quella.

Tractandas:

1. Protocol da la radunanza dals 04 october 2017*
2. Cunvegna deponia Bos-chetta Plauna / Plaun da Senchs traunter sar Duri Campell, la Bos-chetta Plauna SA, la Montebello SA e la vschinauncha politica da S-chanf*
3. Revisiun da la planisaziun locala Bos-chetta Plauna*
4. Revisiun ledscha davart parker veiculs a motor sün terrain public*
5. Revisiun parziela ledscha da salarisaziun*
6. Nominaziun tscherna complementera – suprastanza cumünela
7. Varia

***La documainta per las tractandas sto ad invista/po gnir retratta tar l'administraziun cumünela u es visibla sün l'internet suot: www.s-chanf.ch**

DEUTSCHER TEXT: BÜCHLEIN BITTE WENDEN

1. Protocol

Il protocol da la radunanza cumünela dals 04 october 2017 po gnir retrat tar l'administraziun cumünela u es visibel sün l'internet suot: www.s-chanf.ch.

2. Cunvegna deponia Bos-chetta Plauna / Plaun da Senchs traunter sar Duri Campell, la Bos-chetta Plauna SA, la Montebello SA e la vschinauncha politica da S-chanf

Situaziun da partenza:

La deponia regiunela Bos-chetta Plauna serva daspö da l'an 1997 per depositer gerra, sablun, e materiel d' inert scu eir materiel da s-chev net. Per la cultivaziun da la deponia exista ün contrat traunter la vschniauncha politica da S-chanf e la Bos-chetta Plauna SA, chi regla la dimensiun concessiunaria. Quist contrat es gnieu desdit da la suprastanza cumünela süls 31 december 2017. Impü es la fin da l'an 2017 druvo sü il volüm da la deponia. La deponia ho mno fin l'an 2016 entredgias da bundant fr. 17.5 mil. a la vschinauncha. Als 02 avrigl 2014 ho la radunanza cumünela tschernieu e incumbenzo üna cumischiun per piglier sieu trattativas culs proprietaris (Armasuisse e Duri Campell) regard il schlargiamaint da la deponia. Las trattativas as sviluppaivan da lungia düreda. La cumischiun ho trat la conclusiun da l'an 2016, cha els nu sajan legitimus da fer trattativas culs proprietaris. Zieva intensivass trattativas illa prüma mited da l'an cun l'Armasuisse ho quella comunicho cul scriver dals 18 avuost 2017 a la suprastanza cumünela, cha la « ar immo » es pronta da der il dret d'utilisaziun e permetter a la vschinauncha da S-chanf da gestiuner la deponia per 10 fin 15 ans sün la parcella parziela nr. 305. Ulteriuras trattativas cun l'Armasuisse sun instradedas. Zieva vastas ponderaziuns d'interess e prouvas da las pussibiliteds per üna cuntinuaziun da l'activited da la deponia ho decis la suprastanza cumünela als 05 lügl 2017 da piglier sü trattativas insmebel cun Duri Campell, la Bos-chetta Plauna SA e la Montebello SA per elavurer üna cunvegna partenaria. Scu basa da quista cunvegna es il contrat traunter la BPSA e DC chi' des gnieu stipulo ils 25 november 2011 sur üna düreda da 40 ans ün important elemaint. Tar l'elavuraziun da cunvegna nouva es gnieu resguardo la ledscha federela sur da la planisaziun dal territori chi tegna in fermaunza l'art. 5, cha avantags da planisaziun vegnan cumpensos cun almain 20%.

Tres la cuntinuaziun da la deponia Bos-chetta Plauna s-chaffescha la vschinauncha circa aint ils prossems 20 ans entredgias da totel 10 fin 12 mil francs.

Proposta:

La suprastanza cumünela propuona d'approver la cunvegna.

3. Revisiun da la planisaziun locala Bos-chetta Plauna / Plaun da Senchs

Situaziun da partenza:

Da l'an 2010 s'ho cumanzo cun la planisaziun dal schlargiamaint da la deponia. La vschinauncha ho incumbenso il büro da planisaziun Stauffer & Studach svilup dal territori, Cui ra cun la revisiun parziela da la planisaziun locala. L'elavuraziun dal rapport tecnic e'l rapport ecologic succedaiva tres la Edy Toscano AG a Zuoz.

La planisaziun locala deponia Bos-chetta Plauna cuntegna il plan d'avertüra, il plan da furmaziun generel, il plan da zonas, ils rapports da planisaziun ed partecipaziun, il rapport ecologic cun agiunta, la dumanda da runcheda ed agiuntas.

Schlargiamaint da la deponia (cotschen)



Stedi finel



Proposta:

La radunanza cumünela

- piglia cugnuschentscha da la differenta documainta planisaziun locala «Deponia Bos-chetta Plauna / Plaun da Senchs, S-chanf»
- approvescha la revisiun da la planisaziun locala, deponia Bos-chetta Plauna / Plaun da Senchs, S-chanf“ e
- deliberescha quella per l'approvaziun tres la regenza dal chantun Grischun

4. Revisiun ledscha davart parker veiculs a motor sün terrain public

Situaziun da partenza:

La cumischiun per revaisas da tschantamaints, ledschas ed uordens da la vschinauncha da S-chanf ho elavuro üna revisiun da la ledscha davart parker veiculs a motor sün terrain public e decis da suottametter quella revaisa a la radunanza cumünela. La revaisa cuntegna müdamaints redacziunels. Impü il parker gratuit sün terrain public cun excepziun dals parkegis in Prasüras.

Proposta:

La cumischiun propuona d'approver la revisiun.

La suprastanza propuona da sustgnair la revisiun.

5. Revisiun parziela ledscha da salarisaziun

Situaziun da partenza:

La cumischiun per revaisas da tschantamaints, ledschas ed uordens da la vschinauncha da S-chanf ho elavuro üna revisiun da la ledscha da salarisaziun e ho realiso üna consultaziun. Tar ponderaziuns detagliedas propuona la cumischiun d'exeguir üna revisiun parziela da la ledscha da salarisaziun e ho decis da suottametter quella a la radunanza cumünela. La revaisa cuntegna müdamaints redacziunels e la salarisaziun dal suppleant da la suprastanza cumünela.

Proposta:

La cumischiun propuona d'approver la revisiun.

La spurastanza ho piglio cugnuschentscha da la revisiun parziela e decida unanim da's deporter neutrel e da's abstgnair d'üna pusiziun.

6. Nominaziun tscherna substituziun – suprastanza cumünela

Situaziun da partenza:

Ils 26 november 2017 ho lö l'elecziun complementera per ün commember illa suprastanza cumünela. Tenor constituziun cumünela art. 39 al. 4 as po inoltrer a la radunanza da nominaziun propostas da tscherna.

S-chanf, ils 03.11.2017

La suprastanza

Il president:	G. Largiadèr
L'actuar:	G.L. Vitalini

